

Шарма гор

Кузь нэм да бур шуд!

Эжва йывса войтырлөн газет



Пето 1929 восянь

Четверг, 2013 вося октябр 24 лун 127 (10714)-өд №

Эн чөж, кулан да ставыс кольо (коми шусьог)

Эжва йывлөн слава

Эмилия Алексеевна Игнатова



Чужис 1939 вося октябр 3 лунö Ручын. Сыктывкарса кооперативной техникум бердын курсяс помалом бөрүн уджаліс роноын бухгалтерөн да шөр бухгалтерөн. Уджысь ордчытөг велөдчис шөр бурдөдчанін бердын рытъя курсяс вылын медсестраё да уджаліс тайё специальность серти челядь да инфекция юкнъясын, боръя дас вит восё - медстатистикон. Коммунистической уджывса ударник.

Верёсыкөд быдтис да велөдис кум челядьёс.

Уна вося бур уджысь сетисны «Уджывса ветеран» да юбилейной медальяс, почёт грамотаяс.

Оло Куломдинын.

Төдөй, мый выльыс

ПЕТКӨДЧАС И МИЯН РАЙОНСА

Куломдинысь Евгений Уляшев петкөдчас Олимпиадалысь би нуан эстафетаын.

Муна сийё ноябр 2 лунö юркарын. Олимпиадалысь медшөр бисё Сыктывкарын нуасын Олимпиадаын унаысь вермысь Николай Бажуков да паралимпиадаын вермысь Мария Иовлева.

Евгенийлы 25 арёс. Сийё спорта мастер, пырö лыжион котралом кузя Коми республикаса отувъя котырö. Эстафетаын петкөдчыны пыртисны спортын гырысь вермомъясь шедөдөмысь. Республикаысь ставнас петкөдчас 70 гөгөр морт. Россия пасыта 183 карысь Олимпиадалысь би нуö 14 сюрс морт.

МАТЫСТЧӨ АРСЯ ПРИЗЫВ

Октябр 18 лунö республикаса юралыслөн районса общественной примитанінын муніс телефона «веськыд йитөд» да йөзкөд аддзысьлөм.

«Российской Федерациялөн вооружённой вынъясö 2013 воын арся призыв» кузя юаломъясь вылө вочавидзис военкоматлөн районса юкөннысь военной служба кезлө дасөтөм да призыв кузя отделениеса начальник И.В.Пименов. Вөліны юаломъясь, кызди босытөны армияö велөдысьясөс, позьö-ö служитны армияын контракт серти, мортыс кё эз на ветлы срочной служба вылө, кызди бөрийны альтернативной служба. Быд юалом вылө лоис вочакыв.

Нөшта Иван Васильевич пасйис, мый арся призыв дырйи, коді мунас ноябр 1 лунсянь декабр 31 лунөдз, районнысь босытасын армияö 80 гөгөр мортөс. Салдатлы быд төлысь кутас воны 2 сюрс шайт.

ВИЧЧЫСЬОНЫ КӨДЗДӨДӨМ

Югыдтыдорса олысьяс виччысьоны көдздөдөм, кор Воль ю бура йизяс да восяс ыджыд муё петан туй.

Диасёръясянь 48 километр кузъя пыран туй вөсна сёрнитчөмөн төждысьоны предпринимательяс Н.А.Шебырев да кольом воын районса конкурсö пырөдчысь да грант босытысь В.В.Нестеров. Көдздөдас да налөн мог - медводз таявны-лөсьодны нюръясь вывты мунысь туй.

Медся коланаторъясөн, сёян-юанон олысьяс заптысисны гождөмнас. Могмөдис и Диасёръяса предприниматель. Диасёръяса администрация кутö йитөд Зоя Ивановна, Михаил Гаврилович да Дмитрий Васильевич Кармановъяскөд.

Пасьям, талун Югыдтыдорын 20 олысь, на пыысь 13 морт босытө пенсия.

АРСЯ ГАЖӨДЧӨМ

Кебангёльса клубын кыпыда пасйисны арся гаж.

Волісны баянөн ворсысьяс - Югыдъягысь В.А.Тюрнин, Аныбысь И.В.Нестеров, Керчомъягысь В.А.Попов. Налөн ворсөм улө посёлоксаяс сылысны и йөктисны. Ассыс кывбуръясөс лыддис А.А.Гусев. Гажөдис и Кебангёльса ветеранъяслөн котыр. Вөліны ворсөмъясь, конкурсяс да с.в. Волісны и томъясь, и приютса войтыр, и вертёб.

Кыпыд гаж котырты да нуодны отсалісны предпринимательяс А.М да М.М.Усовъясь, В.П.Бумбу, Г.А.Ильязова, пөжасьясөн чөсмөдліс Кебангёльысь Г.Ф.Тарабукина.

ПЕТКӨДЧАСНЫ РЕСПУБЛИКАЫН

Шойччан лунö овмөдчөмингяс костын муніс волейболысь ордысьсөм. Айловъяслөн квайт котыр пыысь вермис Кебангёль. Мөдөн лоис Помөсдин да коймөдөн Куломдин. Аняслөн квайт котыр пыысь медбура ворсисны куломдинсаяс, мөдөн лоисны помөсдинсаяс да коймөдөн кебангёльсаяс.

Ноябр 1-4 лунъясө вермысьяс петкөдчасны республикаын.

Асланым да общ. корреспондентъясь, районлөн сайт вылысь.



Зимстанын кыпыда восьтисны Прупт ю вомөн көртгысь да бетонысь вөчөм пос. «Комистроймост» котыр уджö босытчыс кольом вося ноябрын. Шулісны вөчны воін, а восьтисны кадысь водз. Ёна отсаліс көдзыд тулыс.

- Ми ёна виччысим тайё лунсө. Ыджыд муё туй восис Зимстанса, Вочса, Дзольса, Габовса, Климовска, Фроловска олысьяслы. Вөчим ставон отув. «Монди СЛПК» комбинат вичмөдис сөм, уна вын пунктис райадминистрация. Кутам видзны сийёс, мед сы вывты поэяс вуджны-ветлыны уна-уна во, - пос восьтөгөн сёрнитис Зимстанса юралысь В.Н. Лодыгин.

- Вөчим план серти да ас кадö. Уджалысьясөс эз повзөдны сьёкылунъясь. Аттьö тиянлы пөся вочаа-

лөмысь. Сиа, мед и водзö сөвмас район, мед кыпаласын школаяс, лоасын бур туйяс, - аттьөліс «Комистроймост» котырысь медшөр инженер Ю.В.Костин.

«Монди СЛПК» комбинатлысь районкөд социальной ёртасөм кузя сёрнитчөмлысь төдчанлунсө пасйис «Мондилөн» вөрөн могмөдан управлениеысь вөр заптан службаса директор С.А.Архипенко. Райадминистрациян веськөдлысөс вежысь И.В.Попов аттьөліс республикаса правительствоöс, туй агентство да туй вөчысьясөс районлы төдчана отсөг сетөмысь.

Посёлоксаяс гөсытьяскөд вуджисны пос, аттьөлісны да корисны бурмөдны-вөчны и туйяс, мед падмөгьястөг позис вөдчыны быдла.

Гижөд да снимок Марина ДАДАШОВАЛӨН.

КОМИ РЕСПУБЛИКАЫН

Кызди юөртөны каръясса да районъясса велөдан управлениеяс, 2013-2014 велөдчан во пансигөн школаясө воис 241 том специалист,

ШКОЛАЯСЫН - ТОМ ВЕЛӨДЫСЬЯС

на пыысь 76 - сиктыясө. Кольом воын школаясө локтис 237 велөдысь, на пыысь 60-ыс - сиктыясө.

Коми республикаса велөдан министрствосын висыталісны, мый татшөм серпасыс абу нин өти во. Сідз, 40,6 процент велөдысьлы эз на тыр 30 арёс. (2012 воын вөлі 38,5 процент, 2011-ын 37,2 процент).

«Том специалистъясөс школаө кыскөм - медшөр могъясысь өти, кодөс пунктис республикаса юралысь Вячеслав Гайзер юкөн бур специалистъясөн могмөдөм кузя. Школаясын уджалөны ыджыд стажа специалистъясь, пенсия арлыда велөд-

ысьяс. И, дерт жö, ми бура ставон гөгөрвоам, мый воас кад, и найөс вежасын томъясь, - пасйис республикаса велөдан министр Владимир Шарков. - Коми республикаса правительство сетө сьöма да социальной отсөг, медым кыскыны велөдан юкөнö

специалистъясөс. И талун тыдалөны нин бурланьö вежсьöмъясь».

Министр казтышптис, мый вузъясь помалысь том специалистъяслы, пырисны кö уджавны карса школаө либö кар сьама посёлокö, оклад динö содтөд вештысьсö 25 процент (помаліс кö велөданін «гөрд» дипломөн 30 процент). Том специалист кö локтö сиктö, сылы оклад дорö содтөд сетсö 35 процент («гөрд» дипломөн помалысьяслы 40 процент). Таысь кындзи, сетсö сьöма отсөг оланін дзоньталөм да кутөм вылө, социальной норма урчиттөг.

Коми республикаса юралысьлөн да правительстволөн пресс-служба.

